

ինքնապաշտպանութեան ընդարձակ միջոցներ տրուին հայերին, թուրքերի նախալարձակումները ինքնին կվերանան: Եւ յիրաւի գողը, աւազակը եթէ տեսնի, որ կարող է անպատիժ կերպով ապանել, կողոպտել, առևանգել, այրել, եթէ մանաւանդ նա գուրկ է բանականութիւնից, էլ ինչո՞ւ չանէ իւր շահատակութիւնները, ինչո՞ւ չօգտուի ուրիշի գոյքից և կարողութիւնից: Պատիժն է միայն, արդարադատութեան սուած անողոք պատիժն է միայն վայրագ մարդուն բանական մարդ դարձնում:

Տուէք ուրեմն հային ինքնապաշտպանութեան ընդարձակ միջոցներ, պատժեցէք, անխնայ կերպով պատժեցէք յանցաւորներին և դուք մի երկու օրում վերջ տուած կլինիք թուրքական սրածութեան:

ՆԵՐՔԻՆ ԼՈՒՐԵՐ

— Կովկասեան իշխան փոխարքան թոյլատրեց «Լուսար» ամսագրի ծրագիրը լրացնել քաղաքական բաժնով:

— Պ. Հայկ Տէր Աստուածատրեանցին թոյլ է տրուած, «Մատենագէտ» անունով մի ամսագիր հրատարակել թիֆլիսում: Թերթը լոյս կտեսնի առաջիկայ տարուայ յունուար ամսից: Յանկանում ենք յաջողութիւն:

— Մեզ հաղորդում են, որ թիֆլիսի Յովնանեան օրիորդական դպրոցի տեսուչ ընտրուել է գիտնական պ. Կարապետ Կոստանեանը: Կարող ենք շնորհաւորել դպրոցի վարչութեան այդ օրինակելի և յաջող ընտրութեան համար: Պ. Կոստանեանը երկար տարիներ վարել է Ներսիսեան դպրոցի և էջմիածնի շէմարանի տեսչական պաշտօնները:

— Վերջապէս Պ. Բուրգից ստացուել է հայոց վանական և եկեղեցական կալուածները հայ հոգևոր իշխանութեան յանձնելու ծրագիրը հաստատուած և այս օրերս տեղի կունենայ յանձնումը:

— Խմբագրութեանս քարտուղար օր. Նուարդ Աղանեանցը առաջիկայ յունուարից բաց է անում գեղարուեստական արագատիպ տպարան, ուր տպուելու է և «Լուսար» ամսագիրը:

ՆԱՄԱԿ ԽՄԲԱԳՐՈՒԹԵԱՆ

Մեծարգոյ խմբագիր

Աւելի քան երկու տարի է, որ մեր ապաքաղդ հայրենիքը անօրինակ թշուառութիւնների ասպարէզ է դառել: Նուրբ դիւանագիտութիւն, վայրագ բարբարոսութիւն, խորամանկ և նախանձոտ զրացիութիւն, արեան ու արցունքի անձրևով ոռոգե-

ցին Հայն ու Հայաստանը, աւերակների աշխարհում նոր աւերակներ դիզելով:

Միշտ չմնաց, որ չխորտակուէր, աչք չմնաց որ չարտասուէր մեր սիրելի ազգի վերայ տեղացող տառապանքներից: Սակայն մորեխի կերածից յետոյ արտը նորից պէտք է սլակել որ իսպառ չխոպանանայ: Ամենայն հայ մարդու քաղցրագոյն պարտքն է չթողնել, որ անդաստանը խոպան մնայ. որ աւերակների թաղաւորութիւնը տեական լինի: Նոցա տակից յարութեան ձայներ պէտք է լսուին, հին հին փառքեր նոր ընծիւղ տան, որով աւերուած դրախտը վերաշինուի:

Այս նպատակին հասնելու համար նահատակ հայ ժողովրդի թշուառ միացորդին խնամել պէտք է:

Հայ մարդ ենք մենք և խորը խոցուած մեր ազգի թշուառութեամբ, կամեցածք մերովսանն օգտակար լինել մեր ազգի ցածուցրիւ միացորդին, մեր հրկիզեալ հայրենիքին: Եւ կարող էինք անել. առաքեալի խօսքն յիշեցինք. «Մսկի և արծաթ չունիմ որ տամ, ինչ որ ունիմ այն պիտի տամ». և մենք որոշեցինք առ այժմ մի մեծահատոր, շքեղ, պատկերազօր ժողովածու հրատարակել «Աբէլի արիւն» վերնագրով և նորա ամբողջ եկամուտը յատկացնել մեր ազգի վերջին աղէտներից թշուառացածներին:

Այդ առթիւ արդէն դիմում ենք արել բազմաթիւ գերմանացի, ֆրանսիացի, անգլիացի, ռուս և հայականաւոր պրօֆէսորներին և հրապարակախօսներին, ինչպէս և մեր ազգի ընտրելագոյն գրագէտներին, մասնակցելու իրանց գրաւոր վաստակներով ներկայ հրատարակութեան և բաղդաւոր ենք, որ արդէն նոցանից շատերի սիրայօժար պատրաստակամութիւնն ենք ընդունել:

Գանձած եկամուտը տնօրինելու է մեր կազմած մնայուն բիւրօն, տեղնուտեղը ուսումնասիրելով ժողովրդի դրութիւնը և բաժանելով նպաստը կարօտեալներին:

Մուտքի և ծախքի վաւերական հաշիւները տարէցաւարի հրատարակուելու են առանձին տետրերով:

Այժմ իսկ բացուած է բաժանորդագրութիւն. իւրաքանչիւր հատորի բաժնէգինն է 10 ռուբլի կանխիկ վճարելի:

Այս նպատակով ընդունուած են նաև կամաւոր նուէրներ: Մեր հրատարակչական մնայուն բիւրօի հասցէն է. Թիֆլիս, տպարան օր. Նուարդ Աղանեանցի Պօլիցէյսկայա, 7, խմբագրութիւն «Աբէլի արիւն»:

Ի դիմաց բիւրօի } Բենիկ վարդապետ
Գիւտ ա. ք. Աղանեան